

Majlis Sambutan Maulidur Rasul Tahun 1434H/2013M



Sempena hari keputeraan Nabi Muhammad S.A.W dan memperingati hari kelahiran baginda, UMS sekali lagi terlibat dalam Majlis Sambutan Maulidur Rasul 1434H / 2013M peringkat Universiti Malaysia Sabah yang telah berlangsung pada 5 Mac 2013. Tema Maulidur Rasul pada tahun ini adalah "Wasatiyyah Tonggak Kesatuan Ummah".

Jabatan pembangunan dan Penyelenggaraan (JPP) dengan kerjasama Unit Hal Ehwal Islam dan Masjid (UHEIM) telah menganjurkan beberapa program seperti pertandingan ihtifal dan musabaqah Al-Quran, pertandingan nasyid, pertandingan fotografi masjid, pertandingan riang ria Maulidur Rasul dan pertandingan penulisan kreatif. SSMP pertama kali telah menubuhkan kumpulan nasyid SSMP (Mahdiah Nisa') yang terdiri daripada kakitangan pengurusan sains telah mendapat Naib Johan dalam pertandingan nasyid yang dianjurkan. Kumpulan Mahdiah Nisa' SSMP telah mempersembahkan dua buah lagu nasyid bertajuk 'Ya Rasul' dan 'Hambamu'.

Pada hari kemuncak Sambutan Maulidur Rasul UMS, SSMP telah turut serta dalam pertandingan booth pameran terbaik yang telah mempamerkan poster-poster berkaitan penyelidikan. Dalam pertandingan ini, SSMP menjadi juara bagi Booth Pameran Terbaik. Syabas dan tahniah kepada semua yang telah terlibat memberi sokongan dan kerjasama dalam aktiviti yang disertai.

